

祁奚请免叔向 襄公二十一年

左 传

栾盈 晋大夫 出奔楚。

范宣子逐之，故出奔。

宣子杀羊舌虎、囚叔向。

虎、盈党。叔向、虎之兄。

人谓叔向曰、

子离 同罹、于罪。

其为不知智、乎。

讥叔向无保身之哲。

叔向曰、与其死亡若何。

虽被囚、犹胜于死亡。

诗

曰、优哉游哉、聊以卒岁、

诗言君子优游于乱世、聊以卒吾之年岁。注疏以为小雅采菽之诗。按采菽无聊以卒岁之文、恐是逸诗。

知也。

此乃所以为知也。○叔向已算到可以不死。不知

者、焉能有此定见。

乐王鲋 附、○晋大夫。

见叔向曰、吾为子请。

为子请于君而免之。

叔向弗应、出不拜。

大是骇人。

其

人皆咎叔向。

自然见咎。

叔向曰、必祁大夫。

谓祁奚也。能免我者、必由此人。○胸中泾渭、介然分明、是为真智。

室老

家臣之长。

闻之

曰、乐王鲋言于君无不行、求赦吾子、吾子不许、祁大夫所不能也、

而曰必由之、何也。

常人只是常见。

叔向曰、乐王鲋从君者也、何能行。

惟阿意顺君、何能行此救人之事。○提过乐

王鲋一边。

祁大夫外举不弃仇、

举其仇、解狐。

内举不失亲、

举其子、祁午。

其独遗我乎。

其独遗我一人而不救乎。

诗

曰、有觉德行、

去声、

四国顺之。

诗、大雅、抑之篇、言有正直之德行、则天下顺之。

夫子、觉者也。

祁大夫、觉然正直者也。○收句冷隽。

晋侯

平公。问叔向之罪于乐王鲋。问其果与弟虎有谋否。对曰、不弃其亲、其有焉。言叔向笃于亲亲、其殆与弟有谋焉。○潜语、故

作猜疑、妙。于是祁奚老矣、告老致仕。闻之、闻叔向被囚。乘驂日、而见宣子、驂、传车也。乘驂、恐不及也。曰、诗曰、

惠我无疆、子孙保之。诗、周颂、烈文篇、言文武有惠训之德、及于百姓、无有疆域、故周之子孙、皆保赖之。书曰、圣有谟勋、明征

定保。书、夏书、胤征篇。言圣哲之有谟谋功勋者、当明证其谟勋而定安之。夫谋而鲜上、过、惠训不倦者、叔向有焉。谋少过失、圣有谟勋也。惠

训不倦、惠我无疆也。社稷之固也。此社稷所赖以安固也。○社稷二字、是立言之旨。犹将十世宥之、以劝能者。今壹不免

其身、以弃社稷、不亦惑乎。假使其十世之后、子孙有罪、犹当宽宥之、以劝有能之人。今壹以弟故不免其身、以弃社稷之所倚赖、不亦惑之甚乎。○此言叔向之能、尚可庇子孙之有罪、岂可

及身见杀。鲧殛而禹兴、不以父罪废其子。伊尹放大甲而相、去声。之、卒无怨色。不以一怨妨大德。管蔡为戮、

周公右王。兄弟罪不相及。若之何其以虎也弃社稷。此言不当以弟虎罪及叔向。○两提弃社稷、叔向之身、何等关系。子为善、谁

敢不勉、多杀何为。子若力行善事、谁敢不勉于为善。何必多杀、然后人不敢为恶乎。○归到宣子身上、亦复善于劝解。宣子说、悦、与之乘、去声、○与祁奚共载。

以言诸公而免之。不见叔向而归。祁奚不见叔向而归、以见为社稷、非私叔向也。叔向亦不告免焉而朝。

叔向亦不告免于祁奚、而即往朝君。以明祁奚之非为己也。○两不相见、径地俱高。

乐王鲋见叔向、而自请免之。祁奚免叔向、而竟不见之。君子小人、相去霄壤。不应不拜、所以绝小人。不告免、所以待君子。